

景明刻本鹽邑志林

鹽

邑

志

林

新刻鹽邑志林序

昔鄴都七子並足齊驤至
成一家之言惟徐偉長耳
以是知論著之難倍蓰於
修辭矣然從來論著或鼓

吹六經或網羅百代或自
抒已見或依發前言闡性
命則玄渺之旨多述事辭
則月露之情少間有迂譚
神怪瑣語細微就目前以

寄懷離日用以為質要歸
猛省寧忌無稽實可興觀
何嫌同俗不離文以為量
而非文之所談故但立意
為宗昭明忽而不取蓋以

馳騁春華頓忘秋實體異

不堪以雜列義博不容以

隘收為操觚者之難兼非

棄而勿貴也貴則七略咸

載四庫並包甄別惟在乎

雅馴綴集不辭乎詳贍總
以精神流之徑寸淆亂不
格群言異面共好殊塗同
歸况復纂錄奇文義取足
徵道資行遠卞和既泯片

琦可珍薛燭云亡折鈎堪
寶所賴識者別有賞音鐫
于出土茅茹斯拔石鼓涌
崖蜀桐凡刻又復天祿思
誤此焉可稽屬車偶失此


焉有副不容名山以為久
藏何但帳帷所能終秋愛
而傳之其在斯矣爰有榮
陽睿嗣沛國佳人皆賢達
之曾玄實平原之彥俊兼

絢世畜朱墨能傳茲其秘
函共爲讐閱州嵬領異剖
蚌貫珠城欲窺半豹已識
全班欣舉一竊且齎巨鼎
異昔人之乞箋矜余生之

坐進矣剗剗既終將行字
內倘有同志勿昧斯編使
邑各搜奇不令瑯嬛有吝
勿謂痴男子何可盡讀也
寵飛天啟三年嘉平之吉

知海鹽縣事黃岡樊維城

撰



門生鄭宸敷謹書

鹽邑志林序

鹽邑志林者邑大夫齊安

樊公褒彙鹽之古今豪彥

註謨經子雜說合吳晉唐

宋至於

昭代凡若干種用張茲邑著
記之盛也緊自越絕志鄉
秦游樹碣天冊出自土中
僧書寄從海外要皆毫翰
有靈若僭神竒以昭揭英

穎耳于是有註易疏詩以
紹前學志恠演化以資遠
覽稽卜直音以助奧博或
譚皇王卿輔之烈或言理
道術數之殊或記地而附

音或遘兵而紀亂後先照
爛有非郡諸轄縣得與方
駕者惟是陸干易解湏識
不黨輔嗣多爲鼎祚所採
而京氏飛伏歸游只今占

家猶尚野王玉篇亦無愧
說文昆胤他若化書之玄
異樵談之間遠吳地括異
樂郊之談載鄉土別聞皆
前朝有用書也第惜鬱林